



Nuuk 13. aug. 10

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

**Naalakkersuisunut Apeqqu:**

1. **Qatserisartut pisortaasa politiinilu pigaartuusut sillimasussatut tapisiaqartitaanerat piinnarlugu angerlarsimasuaannartussatut inatsisitigut inisseqqanerat Naalakkersuisut naapertuilluarnertut isiginerlugu?**
2. **Suna pissutigalugu lastibiilit 4 tons qulaallugu oqimaassusilinnik biileqartitaasartut akiliisinneqarneq ajorpat?**
3. **Qatserisartut politiillu biileqartitaasarnerminni akileraarutitigut akiliisinneqartarnerminni Nunatta karsia qanoq pissarsisarpa?**

(Inatsisartuni ilaasortaqaq Malik Berthelsen, Siumut)

**Tunngavilersuut:**

11. september 2009 Aningaasaqarnermut Naalakkersuisoq Aleqa Hammondip apeqqutaanut ilaatigut ima akissuteqarpoq, ”Naalakkersuisut isumaqarput akileraartarnermi malittarisassat eqqartorneqartut ataatsimut isigalugit sulisitsisunut, sulisunut inuiaqatigiinnullu assigiinngitsutigut naleqqussagaasariaqartut”.

Naleqqussaasoqarnissaanik oqariarluni ilaatigut aamma ima allassimavoq, ”Sulisup nalinginnaasumik sulinerup kingorna angerlarsimaffimminiinnissaa ilaatigut piumasaqaataavoq tassungalu atatillugu immikkut akissarsiaqartinneqassalluni, apeqqutaatinnagu aggersarneqarnersoq aggersarneqannginnersorluunniit”.

Naalakkersuisumit akissutigineqartoq tunngavigalugu Naalakkersuisunut apeqqutigerusuppara, qatserisartunut pisortasut sap. ak. ulluni 7-inni pigaartuusartut angerlasimasussatut tapisiaqarneri pissutigalugit allatut inuiaqatigiittulli angerlarsimaffimmi qimannissaanut periarfissaqartitaassannginnersut?

Soorunami Qatserisartut pisortai pisiniarfileriniaraangamik, ilaquuttaminnut pulaarniaraangamik, meeqqeriviliaassiniaraangamik allatulluunniit pisassaqaraangamik angerlarsimaffitsik qimattarpaat, kisianni biilitik soorunami nassarlugit. Qatserisartut pisortaat arlaatigut ajutoortoqarnissaannut tamatigut sillimasuugamik allatut ajornartumik biilitik sumut tamaanga nassartarpaat. Takorloorsinnaanngilarpummi biilitik qimaannarlugit pisiniarfileritillutik ikuallattoqaleraluarpat

arpaannaq biilitik aaqqaarlugit aatsaat ikuallattumukartarnissaat. Takorlooruminaakkaluartoq kisianni tassa inatsisitigut taamatut atugassaqartippagut, inuiaqatigiinnillu ajutoortoqarnissaanut ikiuisussatut sillimatitagut ”pillarlugit” biileqartitaaneranut akiliisittarpagut uffa massa 4 tons qaangerlugit oqimaassusilinnik lastibiilertartut sulereernerup kingorna weekendinilu privatimik atugarineqaraluarlutik akiliisinneqarneq ajortut.